



Broj: 01-0501-8227/22

Datum: 26.10.2022. god.

Na osnovu člana 69. stav (1) tačka b), člana 70. Stav (4) i (6) i člana 100. Stav (3) Zakona o javnim nabavkama BiH (Službeni glasnik BiH broj 39/14), na prijedlog Komisije za javnu nabavku, direktor Zavoda d o n o s i

ODLUKU

o usvajanju žalbe i poništenju postupka javne nabavke

I

Usvaja se žalba potencijalnog ponuđača Sanam Styrka doo Sarajevo, zastupanog po prokuristi Mr Hećo Havici na sadržaj tenderske dokumentacije broj 01-0501-7918-3/22 od 14.10.2022.godine u postupku konkurentskog zahtjeva za dostavljanje ponuda za javnu nabavku roba-hematološki brojač 5 diff.

II

Poništava se postupak javne nabavke roba-hematološki brojač 5 diff pokrenut putem konkurentskog zahtjeva za dostavljanje ponuda broj 01-0501-7918-3/22 od 14.10.2022.godine, za koji je objavljeno obavještenje na Portalu javnih nabavki broj 2732-7-1-8-3-12/22.

III

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. Zakona o javnim nabavkama BIH.

Obrazloženje

Na osnovu Odluke o pokretanju postupka javne nabavke broj 01-0501-7918/22 od 14.10.2022.godine Ugovorni organ je pokrenuo postupak nabavke putem konkurentskog zahtjeva za dostavljanje ponuda za nabavku hematološkog brojača 5 diff. Obavještenje o nabavci je objavljeno na portalu javnih nabavki 14.10.2022.godine pod brojem 2732-7-1-8-3-12/22.

Dana 22.10.2022. godine potencijalni ponuđač Sanam Styrka doo Sarajevo zastupan po prokuristi Mr Hećo Havici izjavio je žalbu na sadržaj tenderske dokumentacije, a kao žalbene razloge navodi da se po osnovu tehničke specifikacije koja je navedena u tenderskoj dokumentaciji preferira određeni ponuđač i određena serija hematološkog analizatora.

Takođe, Žalitelj navodi i da rok isporuke od 1 dana od dana potpisivanja ugovora navodi ponuđače na zaključak da je ishod postupka javne nabavke unaprijed dogovoren.

Nakon zaprimanja žalbe, Komisija je pristupila ocjeni blagovremenosti, dopuštenosti, te da li je žalba izjavljena od strane ovlaštenog lica i u dovoljnom broju primjeraka kako je to propisano članom 99. Zakona. Tom prilikom utvrđeno je da je Žalitelj dostavio žalbu u zakonskom roku, da je izjavljena od strane ovlaštenog lica ali da poštanska pošiljka sadrži samo jedan primjerak, nakon čega je u skladu sa

članom 60. Zakona o upravnom postupku ("Službeni glasnik BiH broj 29/02, 12/04, 88/07, 93/09, 41/13 i 53/16) dana 24.10.2022. godine Žalitelj pozvan da u roku od 2 radna dana dopuni podnesak što je i učinjeno dana 25.10.2022.godine, čime su se stekli uslovi za razmatranje žalbe.

Iako je Ugovorni organ bez bilo kakve namjere da vrši favorizaciju bilo kojeg učesnika u postupku javne nabavke definisao tehničku specifikaciju uređaja u tenderskoj dokumentaciji prema tehničkim karakteristikama aparata koje već posjeduje i da je rok od 1 dan podrazumijevao da se jave ponuđači koji traženi uređaj već imaju na stanju jer zbog kvara na postojećem uređaju nije bio u mogućnosti da čeka uvoz i eventualnu registraciju uređaja kod Agencije za lijekove i medicinska sredstva BiH, uvidom u tehničku specifikaciju u tenderskoj dokumentaciji i dostavljeni katalog u prilogu žalbe Žalitelja Ugovorni organ smatra da uvođenjem minimalnih i maksimalnih vrijednosti koje treba da zadovoljava traženi uređaj nije u potpunosti isključena mogućnost favorizacije jednog ponuđača i određenog uređaja. U skladu sa prethodno navedenim Ugovorni organ je odlučio kao u dispozitivu.

Žalitelj nije tražio naknadu za žalbene troškove.

Pouka o pravnom lijeku: Žalba na Odluku o poništenju postupka izjavljuje se Kancelariji za razmatranje žalbi BiH putem Ugovornog organa u roku od 5 (pet) dana od dana prijema Odluke.

Dostavljeno:

1. Ponuđačima
2. Komisiji za javne nabavke
3. a/a



V.D. DIREKTORA

Boris Međedović, dipl.pravnik